



UNIVERSITÄTS-
BIBLIOTHEK
PADERBORN

Universitätsbibliothek Paderborn

Chronologia Monasteriorum Germaniæ Præcipuorum Ac Maxime Illustrium

Brusch, Kaspar

Nürnberg, 1682

S. Naboris cœnobium Benedictinum, in ejusdem nominis præclaro apud
Lotharingos oppido situm, ...

urn:nbn:de:hbz:466:1-38166

gisboldo sepultus. Abbates, ejus loci mortilogio inscripti, sine tamen annorum numero aut certo ordine hi inveniuntur.

- | | |
|-------------------------|--------------------------------------|
| 1. <i>Adelardus.</i> | 15. <i>Theodoricus.</i> |
| 2. <i>Amandus.</i> | 16. <i>Willericus.</i> |
| 3. <i>Rabigardus.</i> | 17. <i>Wadolphus.</i> |
| 4. <i>Wasco.</i> | 18. <i>Tempertus.</i> |
| 5. <i>Aldricus.</i> | 19. <i>Adelmodus.</i> |
| 6. <i>Contzemannus.</i> | 20. <i>Volmarus.</i> |
| 7. <i>Constantinus.</i> | 21. <i>Rudolphus.</i> |
| 8. <i>Tilomannus.</i> | 22. <i>Albertus.</i> |
| 9. <i>Bertramus.</i> | 23. <i>Joannes.</i> |
| 10. <i>Reinerus.</i> | 24. <i>Fridericus.</i> |
| 11. <i>Carolus.</i> | 25. <i>Daniel.</i> |
| 12. <i>Helpradus.</i> | 26. <i>Nicolaus.</i> |
| 13. <i>Theopertus.</i> | 27. <i>Ulricus.</i> |
| 14. <i>Collinus.</i> | 28. <i>Adamus</i> eligitur an. 1484. |

Præfuit laudabiliter annis 30. Fuit inchoator reformationis: tandem resignavit Abbatiam Matthiæ anno Domini 1513. Ejus tale ibi legitur in pariete templi epitaphion:

*Qui modo marmorea requiesco crepidine lectus,
Lustris sex Abbe pondera sustinui.
Maximineum mystam, Matthiam nomine, nobis
Sufficio: nostras & subit ille vices.
Cumq; magistratum posui, monachosq; renormo,
Injiciunt diras ferrea fata manus.
At peto, ne pigeat precibus pulsare Tonantem,
Adami sit mens ut bene grata Deo.*

Obiit 21. Octobrium anni 1514.

29. *Matthias*, è S. Maximini Treverensi monasterio postulatus, præficitur Abbatiae S. Naboris anno 1513. quo coenobium reformavit. Præfuit annis 5. laudabiliter. Obiit anno Domini 1518.

30. *Nicolaus Aldegundius* præfuit annis 14. Obiit anno 1532. Ejus tale ibi legitur parieti incisum fatisciam rude epitaphion:

Mille

*Mille & quingenta effluxerunt tempora grata
Partus virginei atq; triginta duo,
Dum superis placuit, pastor decessit amandus,
Nutantem qui sedes struxerat ipse suam.
Annos bis septem Abbas fuit hic Nicolaus,
Sanctæ Adelgundis villa paterna fuit.
Sideras sedes teneat nunc spiritus ejus,
Omnes optamus; maxime presta Deus.*

31. *Henricus* Trajectensis successit Nicolao. Præfuit 14. annis. Decessit ex hac mortali vita anno Domini 1545.

32. *Valentinus de Castelleto*, Gallus natione, præfuit annis tribus & aliquot mensibus. Exiit hominem & ad aliam patriam ex mortali emigravit anno 1549.

33. *Amandus* Leodiensis, vir doctus, statura corporis medicæ, eligitur anno Domini 1549. Præest hoc adhuc currente Jubileo.

Est in hac vicinia ad dimidium scilicet milliare à S. Naboris oppido, & coenobio S. Martini Glandariensis in Villalonga aliud & magnificum sane monasterium ordinis D. Benedicti, quod fundatum legitur à Franciæ Regibus, Digno, Bodagislo & Ondone. Habet hoc tempore Abbatem Sebastianum, natione Gallicum: amplius enim de hoc coenobio nihil habeo.

S. Martini Coenobium Longivillariense.

S PETRI vetustissima potentissimaq; intra Salisburgensis urbis muros sita Abbatia, ordinis D. Benedicti, ex qua, tanquam ex equo Trojano, plurimi egregii & excellentes viri ad gubernandos varios Germaniæ Episcopatus prodierunt, inchoata & fundata legitur anno Christi 580. unà cum ipso Episcopatu Salisburgensi, à S. Rudoberto, ex nobili prosapia Franciæ Regum ac Scotiæ Ducum oriundo: auxiliis tamen & munificentia Theodoni, inelyti Bavarorum Ducis, quem sanctus Dei vir Rudobertus, ex Wormatiensi Ecclesia & Episcopatu ejectus & in Bavaria circumquaq; docens, Ratisbonæ in Christianismo instituit, & cum ipsius optimatibus sacro regenerationis lavacro abluit.

Theodo Bojorum Dux sit Christianus.

000 2

Ibi